



01 - La Vite

Inçopedât tai siei voi, braçolansi tal so pet, tal so cûr come la elare sul mûr, al cirive la vite.

di Nello Malisano

02 - La bondance e la miserie

Cjoli là che al è e meti là che nol è. Le panarie dal paron si jere svuedade e ator ator de taule la polente e jemplave ancje i plats dai canais.

di Nello Malisano

03 - Il partigjan

.... masse tart.. e po tu sês un comunist. Tam, tam la cjamese penze di sanc... mostrave chei voi cence vite.

di Nello Malisano

04 - D'Unvier

El aiar al glace e al ingrope pinsîrs e peraulis fers te bocje che a no ûl spalancâsi par pôre dal frêt.

di Silva Ganzitti

05 - El vuarp

Le veve cirude dute le vite cence cjatâle e cumò le veve denant dai voi e nol rivave a crodi a tante furtune.

di Silva Ganzitti

06 - Brancot

Mi maravei di tantis monts e dal mâr lontan e no mi sint bessôl devant di chest splendôr

di Damiano Toffoletto

07 - Mai avonde!

I ai mateât cussì tant ch'a si è sacraboltât l'imprest.

di Damiano Toffoletto

08 - None

Mi visi di mê nône ch'a mangjave mignestre cjoche ma no beveve nancje un tai di vin.

di Damiano Toffoletto

09 - Nêf

Un lusôr te gnot si vissine, daspò al cambie e al devente ricam blanc, cence busis, fis e lizêr come plume.

di Silva Ganzitti

10 - La Dumble sul Lât

Za prime che al si fos distudât chel Soreli che i Gjôs a àn vût impiât di fûc e di dolôrs, i aiars a vevin dispoiât de cinise lis ruvinis di Tenochtitlan, la Dumble-sul-Lât; ma lis mê agrimis maris no si fermin cuant che o intivi sot dai dêts, tune sachete di piel, i rincjins verts de pueme dai miei dîs contents.

di Pablo Gortan

Tes gnots d'Unvier i voi dai nevôts a lusoravin come lis boris dai lens cuant che la none e contave liendis di principessis e cjastelans.

di Galliano Remo de Agostini

12 - Agns Trente

A Ajrons di Percût e nas Alda, une frute muarte, no jessint batiade, al ven il mes comunâl, le met intune scjate e le fâs soterâ fûr dal cimiteri.

di Renata Visintini Lambertini

13 - A Luciana (1)

E la muart tal fûr di ore e à metût il sio presint, tu bessole al scûr da tiere jo in chê vie a scûr vaint.

di Luciano Marinig

14 - A Luciana (2)

Sot chê crôs dal cîl volude o poi une rose umidide, no son gotis di rosade, dai miei voi ae bagnade.

di Luciano Marinig

15 - A luciana (3)

Se il gno sanc al bastàs par dâti su di me il tio respîr, spinarès dutis lis venis pûr tornâti al gno cûr.

di Luciano Marinig

16 - Epopee in cuatri riis

E Diu, dopo vê passât la setime zornade a polsâ, vint plasmât il plasmabil, al restà a cjâlâ lis primis formis di vite cressi, diventâ organisims, saltâ fûr dal mâr, madressi in dinosaurs, retii, ucei, mamifars, specializâsi in oms e daspò al passà la ore a viodiju cressi in stature e in sgrimie, fintremai che a no rivarin a sdrumâsi un cun chel altri, lassantlu une altre volte di bessôl tant che, a chel pont, al cjapà la cjere e la sclîçà, tornant a fracâle dentri ta nape, di dulà che a jere vignude.

di Renzo Brollo

17 - Emozions

La dissiplinade durece dal om tal no volê o no podê mostrâ i siei sentiments e socomp cuant

che la sô muse e pant il don dal stupôr tal viodi l' Arc di San Marc daspò di un temporâl.

di Galliano Remo de Agostini

18 - Americhe

Mandi, frut, i disè so pari cuant che al partì pe Americhe che, lontane,lontane, lu spietave par no fâlu tornâ mai plui.

di Oscar B. Montoya

19 -Il svol

Cumò che nestris rapuarts a son finîts, mi lassi colâ jù, zirant cence fin par rivâ cun dolcece a toi pîts, cheste Sierade.

di Noemi Salva

20 - Panic

Il nuie al fâs plui pôre che un scûr plen di mostris fin che si frache il prin boton, daspò si popole di peraulis tremolantis e spauridis.

di Noemi Salva

21 - Libris

Dutis lis peraulis a svolin, mancul chês che a stan tai libris, fedêi compagns di ducj i moments.

di Mercedes Viscardis

22 - Ricuarts

Il timp al è un grant circol, nol à principi, ne fin, dut al torne, une e une altre volte, simpri cui ricuarts.

di Mercedes Viscardis

23 - Doi monts

Il mont microscopic al somee al mont de anime, ducj i doi a àn plui abitants che il barlumâ dai nestrîs voi.

di Ana D'Ambrogio

24 - Istants

Intun marilamp il gno pinsîr si voltolâ mostrantmi il finâl des mês sperancis.

di Ana D'Ambrogio

25 - Pierino

Mê mari mi à regalât un rassat par fâ al brût bon, lu à clamât Pierino, 'o sin divientas amigons, ma une dì che mê mari e je vignude a cjatâmi, tant c'ò jeri a fâ le spese, lu à copât par fâmi al brût bon.

di Renata Visintini Lambertini

26 - Al gno cjanut

'O soi stade operade al sen e al cjanut cul so amôr disinteressât, mi à salvât de depression.

di Renata Visintini Lambertini

27 - Imparâ

Chest an o ai imparât a fevelâ e a scrivi un pôc di furlan e a scoltâ bielîs leturis cul gno professôr e cui miei compagns di classe, come che al fos un zûc cun Zorzut Chealsadut.

di Margarita Tondon

28 - Libar

L'odôr dal prât seât mi dismôf ricuarts, respîrs e libertât, o corevi par rivâi e cjarandis, intant che bugadis di aiar a remenavin l'acuilon, il spali al mi scjampà di man e libar lu viodei smalitâ tal cîl distant, si slontanave in cercje di altris suspiradis cunvignis.

di Galliano De Agostini

29 - Marum

La Justine e diseve che cuant che so pari al tornà de Gjermanie, tal 1918, daspò de Grande Vuere, al jere un om diferent, al veve pierdude la ridade.

di Oscar B. Montoya

30 - Il gust di scrivi

Scrivint al è tant che meti la sedon intune cite di marilenghe, il savôr al dipent dal cogo che al à metût lis peraulis une par une, e lis à lassadi frizi tal lôr gras fintremai che e rive la voie di cerçâlis.

di Noemi Salva

31 - La cussience sporcje

Vuê Mariute e je premurose plui dal solit e Bepo nol sa che i à 'pene fat i cuars.

di Pauli Jacuss

32 - Cjalâsi

La imagjine dal spieli lu cjalave cui siei voi e no lu ricognosseve, spaurît, Zuan al de un pugn cuintri di lui, lis sclesis lu svuarbarin.

di Oscar B. Montoya

33 - Diana (□□□□)

O destinai al doman di domandâti dal destin dal to non; ma, te dismentie, dome di me o disei, e mandi.

di Pablo Gortan

34 - Paisut lontan

Daspò di tancj agns o rivai a chel lontan paisut che i miei paris mi vevin tant fevelât, o començai a cjaminâ, no cjatai nuie di chel che jo o vevi tal cjâf, dut al jere cambiât, dome la glesie di Sante Marie des Crencis, cu lis cjampanis moladis al vint e jere come le imagjinavi.

di Alicia Silvia Rivoldini

35 - In memorie

Di chei che a àn tabajât tant nol reste nuje, ma di chei che a àn scrit, ancje pôc, alc al reste.

di Pauli Jacuss

36 - Tacâ a scrivi

I ài ingrumât par sessantesîs agns, cumò i mi sbrochi.

di Pauli Jacuss

37 - La plene

S'obrinchichelramaçsoifûrdichestpantanbastartchemiscjafo...

di Dree Venier

38 - Mâc? 1

Jo no savevi se al fos un don regalât a chei che tant che me a fasevin i mâcs, o se mi succedeve dome a mi che intal propit moment di un efiet o percepivi jenfri i voi di chei che o fasevi une magjie, un passaç dal che si podeve tocjâ la lôr anime, ma no jeri mai olsât a tentâlu fin che j ài cognossude.

di Eduardo Baschera

39 - Mâc? 2

Jo no vevi mai savût cemût che al fos stât il rivâ dret ae anime di nissun, po ben in chel moment o jeri ingjenui no dome dal fat che dut me stes si sintìs jemplât se no cjapât di jê, cun lis sôs storiis e perceziions, cui siei sentiments e lis sôs pôris, i siei sens fintremai il so nulôr.

di Eduardo Baschera

40 - Mâc? 3

Jo no savevi che propit jê mi podedi inmagâ a mi che o soi un mâc, e cence nissun truc ipnotizâmi dome cui siei voi, stregolantmi par simpri; jo no savevi di vê cjatât propit une strie.

di Eduardo Baschera